



Go be go na le mosetsana yo a bego a bitšwa Maḡodzi.

Maḡodzi o be a dula motseng wa gabo le mmagwe le koko wa gagwe.



Ka letšatši le lengwe mmagwe o ile a mo roma motseng wo mongwe gore a iše molaetša go rakgadi wa gagwe.

“O latele tsela ye re tlwaetšego go e šomiša,” mmagwe a mo gopotša.



Maḡodzi o ile a latela tsela ye a e tlwaetšego go ya motseng wa rakgadi wa gagwe gomme a fihliša molaetša.

Ge a le tseleng ya go boela gae, a kwa lentšu la go fokola le re, "Anke o nthuše hle."



Maṭodzi a lebelela ka mathoko gomme a bona mma a robetše ka thoko ga tsela.

O ile a mo dumediša gomme a botšiša a re: "Go reng o robetše mo?"



“Ke kgole le gae, ke a lwala ebile ga ke na maatla,” mma a mo araba.

Maṭodzi a mo kwela bohloko.



A re go mma yola, “Ke tla go iša ga gešo ka ge e le kgauswi.”

Maṭodzi a thuša mosadi yola go emelela. Ba ile ba sepela ka go nanya go fihlela ba tsena.



Maṭodzi, mmagwe le koko wa gagwe ba ile ba thuša go hlokomela mma yola go fihlela a eba kaone.



Mma yola a ba leboga kudu ge ba mo hlokometše. A tumiša Maṭodzi ka go ba le sebete le tlhokomelo.



Mma o ile a botša Maḡodzi le ba gabo a re: “Nka se tsoge ke lebetše seo le ntiretšego sona.

Ka morago ga matšatši a mararo, ke nyaka gore le bolele dikganyogo tša lena tše pedi.”



Ka nnete, ka morago ga matšatši a mararo, Maṭodzi, mmagwe le koko wa gagwe ba bolela dikganyogo tša bona tše pedi.

Kganyogo ya bona ya mathomo e be e le ya gore ba be le ntlo ye botse.



Kganyogo ya bobedi e be e le gore ba be le sethokgwa
kgauswi le ntlo ya bona gore ba kgone go hwetša dikgong.

Dikganyogo tša bona di ile tša phethagala, bjale ka ge mma
a boletše.



Maṭodzi le ba gabo ba ile ba phela ka lethabo ntlong ya bona kgauswi le sethokgwa.